

THINK TANK

Etorkizuneko lanaren inguruko deliberazio prozesua: 11. Lan-dokumentua
(2021eko ekainaren 24a)


Deliberaziorako 2021-2023 fasearen aurkezpena: lanaren sentiduaren inguruko esperimentazioa garatu eta eskala irabazteko oinarriak

Aurreko lan-dokumentuak deliberazio taldearen urtebeteko lanaldiari itxiera eman zion eta dokumentu honek 2021-2023 aldi berria irekitzen du. Fase hau 2021eko ekainean hasi eta legealdiarekin batera amaituko da. Lan dokumentu honen oinarrian 2021eko ekainean eginiko saioa dago, non Gipuzkoako Foru Aldundiko Sustapen Departamentuak lan-talde berri bat gonbidatu zuen deliberazio prozesu honetan parte hartzera. Lan-talde honetako kideetako batzuk aurreko fasean ere parte hartu zuten, beste batzuk berriak ziren. Dokumentu honek haiei eginiko proposamenaren oinarriak jasotzen ditu.

Deliberazio prozesuaren oinarriak 2021-2023 eperako

a) Fase berriak 2020-2021 fasean eginiko lanari erantzuten dio
Ondorengo irudiak aurreko fasean landutako ardatzak jasotzen ditu eta haien inguruko deliberazioan ikasitakoak hartzen dira oinarri fase berria definitzeko. Irudian jasotako ardatzen azalpenak aurreko lan dokumentuetan daude jasota.

1. Irudia. 2020-2021 faseko deliberazioaren ardatzak



b) Fase berrirako helburuak

Deliberazioaren azken helburua honela definitu da: Gipuzkoako enpresei etorkizuneko lanaren erronkei aurre hartzen laguntzea, tresna egokiak modu eraginkorrean haien esku jarritz.


Horretarako, 2021eko ekainetik legealdi amaiera bitartean taldeak bi motatako lanketak egingo ditu. Alde batetik, lanaren sentiduaren inguruko esperimentaziotik ikasiko du, enpresentzat erabilgarri diren tresnak diseinatzeko. Bestetik, ikasitakoa ahalik enpresa gehienetara iritxi dadin, ekosistemako eragileen arteko lankidetzazko gobernantza bultzatuko du.

c) Deliberazio prozesuaren markoa

Prozesu hau Etorkizuna Eraikiz Think Tankaren baitan landuko den lau deliberazio prozesuetatik bat da eta prozesu hauek guztien marko amankomuna Etorkizuna Eraikiz da. Etorkizuna Eraikizek herritarrei entzuteko, esperimentatzeko eta praktikan politiken ekosistemak eraldatzeko dituen gainontzeko ekimenekin koordinatuta garatuko da think tankaren deliberazioa eta ondorioz, prozesu guzti hauen ikuspegi sistemikoa modu esplizituan landuko da.

Horren adierazgarri, aurreko fasean landu zen irudia partekatu da, non esperimentazio proiektuen, think tankaren eta lurralde garapenerako laborategiaren arteko ikuspegi sistemikoa azpimarratzen den.

2. Irudia. Etorkizuna Eraikizen baitako ikuspegi sistemikoa



d) Fase berrirako lan-taldea

Fase berriaren helburuak lehen fasekoarekiko desberdinak direnez, lan-taldean ere egokitzen egin dira. Alde batetik, deliberazioan esperientziazko ari diren enpresek parte hartuko dute. Haien esperientziaren baitan hausnartuko du taldeak lanaren sentiduaren inguruan. Bestetik, lankidetzazko gobernantzaren helburuari erantzuteko, ondorengo lurraldeko eragileek parte hartuko dute: (a) GFAko arduradunak (Sustapen Departamentua eta Aldun Nagusiaren Kabinetea); (b) enprekin lanean diharduten eragileak (Adegi, Asle, Gipuzkoako Merkataritza Ganbara, eskualde garapenerako agentziak, lanbide heziketako ordezkariak); (c) jakintza sistemako kideak (Euskal Herriko Unibertsitatea, Mondragon Unibertsitatea, Tecnun, Deustuko Unibertsitatea). Aurreko deliberazio prozesuan aipatutako beste eragile batzuk ere gehitu daitezke etorkizunean.

e) Lanaren zentzuaren inguruko marko kontzeptuala

2021-2023 eperako deliberazioak lanaren zentzuaren inguruko marko kontzeptuala izango du oinarri. Berau lanaren zentzuaren inguruko ondorengo definiziotik abiatzen da: Indibiduo baten interpretazioa bere lanak zer esan nahi duen edo lanak duen rola zein den, bere bizitzaren kontextuan (Pratt eta Ashforth, 2003). 2021eko iraileko saioa eta lan-dokumentua kontzeptualizazio honen ingurukoak izango dira.

f) Think tankaren jardunak eskala lortzeko lurralde garapenerako laborategiarekin koordinazioa bilatuko da

Lurralde garapenerako laborategia (LGLab) 2009an hasitako prozesu baten emaitza da eta bertan gauzatzen ari da gaur egun lurraldeko hainbat eragileren arteko elkarlana, besteak beste, GFA, eskualde garapenerako agentziak, lanbide heziketako zentroak eta Eusko Jaurlaritzaren politikan diharduten zenbait arduradun. Lankidetzaz mota honen adierazle da gaur egun Sustapen Departamentuko Berrikuntza Zuzendaritzak lantzen duen digitalizazioaren inguruko proiektua. Esperientzia hauetan ikasitakoak kontuan hartuko dira deliberazio prozesuan ikasitakoak enpresetara nola eraman aztertzerakoan.

g) Deliberazio prozesuaren baitan ikasi eta ikasketak ekintzara bideratzeko metodologia ekintza ikerketa izango da

Etorkizuna Eraikiz Think Tankek metodologia hau hautatu zuen deliberazio prozesuak errazteko. Urtebeteko ibilbidearen ondoren metodologiaren inguruko ikasketak ere egin dira eta 2021-2023 eperako think tankaren beharrei egokitutako proposamen metodologikoa aurkeztuko da 2021eko urrian.